



Nuuk 24. oktober 2018

UKA2018/107

Hans Enoksen Partii Naleraq

**Aningaasartuutit suulluunniit Inatsisartunit taakkulu allattoqarfianit
aninggaasartuutigineqartut kikkunit tamanit takuneqarsinnaanngornissaat pillugu taamatullu
kikkut tamarmik paasiniaasinnaanngornissaat pillugu Inatsisartut Suleriaasiata
allangortinnissaanut Inatsisartut Siulittaasoqarfiat siunnersuuteqaqqullugu
peqquneqarnissaanik Inatsisartut aalajangiiffigisassaattut siunnersuut**
(Inatsisartunut ilaasortaq Niels Thomsen Demokraatit

Inatsisartunut ilaasortaq Niels Thomsen, siunnersuuteqarpoq aninggaasartuutit suulluunniit
Inatsisartunit taakkulu allattoqarfianit aninggaasartuutigineqartut kikkunit tamanit
takuneqarsinnaanngornissaat, taamatullu aamma kikkut tamarmik paasiniaasinnaanngornissaat
pillugu aalajangiiffigisassatut siunersuteqarluni, tamannalu oqaaseqarfifigissavarput.

Inuiaqatigiinni sumiluunniit ammasumik ingerlatsinissaq inuit amerlanerpaat isumaqatigissagaat
ilimagissallugu uniorpallaarunananngilaq, tassami inuiaqatigiit aningaasaataasa sapinngisamik
eqqortumik atorneqarlutillu nakkutigineqarnissaat pissusissamisoortoq. siunnersuuteqartutulli Partii
Naleraq isumaqarpoq.

Inuiaqatigiinni tamani aningaasanik nakkutilliinissaq sukkannererulertariaqartoq Partii Naleraq
isumaqarpoq. Imaanngitsoq taamaallaat politikkimi suliassaqarfait nakkutigineqassasut. Inuiaqatigiit
suliffeqarfutit ullanumikkornit sukumiinerujussuarmik nakkutilliivigineqarnissaat
ammanerulersittariaqaripput isumaqarluinnarpugut.

Inatsisartut allattoqarfianit paassisutissat tamakkiisumik aamma paasineqarsinnaanerat
kissaatigineqartoq ilaatigut eqqarsarnartoqartipparput sulisut eqqarsaatigalugit, tassami
tamakkununga tunngasut kikkunnilluunniit paasiniarneqartalissappata tulluarpallaanngitsutut
isigaarput, taamaattumik paassisutissat pissarsiarineqarsinnaasut killeqarnissaat
saneqqunneqarsinnaarpasinngilaq sulisut inuillu ataasiakkaat eqqarsaatigalugit.

Inatsisartunut aninggaasartuutit inatsisartullu siulittaasuannut tunngasut paasiumaneqassappata
massakkut taamatut periarfissaqareerpoq takunninnissamut kissaateqartoqarpat, tamannalu
massakkut ajornartorsiutaanngitsoq takussutissaqareerpoq.

Taamatut oqaaseqarluta siunnersuut itigartipparput periarfissat atuutereermata pappiaqqanik
takunninnissamut kissaateqartoqarpat ingerlaannartumik naammassineqarsinnaammat.